

Broj: A-III-7/22-IV
Sarajevo, 20.04.2022. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj: 20/02, 22/02 i 30/08), člana 64. stav 1) tačka b), člana 25., 70. i 98. Zakona o javnim nabavkama („Službeni glasnik BiH”, broj 39/14) – u daljem tekstu: ZJN, člana 6. i 37. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/2019 od 26.07.2019. godine, te preporuke Komisije za provođenje postupka javne nabavke roba: „**Nabavka i instalacija rendgenskog uređaja za detekciju i pregled predmeta od metala i eksploziva za potrebe Kantonalnog tužilaštva Kantona Sarajevo**“, date u Zapisniku broj: A-III-7/22–III od 19.04.2022. godine, Glavna kantonalna tužiteljica donosi:

ODLUKU

o izboru najpovoljnijeg ponuđača i dodjeli ugovora za nabavku i instalaciju rendgenskog uređaja za detekciju i pregled predmeta od metala i eksploziva za potrebe Kantonalnog tužilaštva Kantona Sarajevo

I

Prihvata se preporuka Komisije za javne nabavke i Ugovor o nabavci roba – Nabavka i instalacija rendgenskog uređaja za detekciju i pregled predmeta od metala i eksploziva za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču **Middle point electronics d.o.o. Sarajevo, Džemala Bijedića 35, 71000 Sarajevo, kao nosiocu grupe ponuđača**, a prema ponudi broj: MP-271/22 od 14.04.2022. godine, s ukupnom cijenom **79.900,00 KM bez PDV-a, odnosno 93.483,00 KM sa PDV-om**, kao jedinoj prihvatljivoj ponudi.

II


Ugovor o javnoj nabavci dostavit će se na potpis izabranom **Middle point electronics d.o.o. Sarajevo**, po proteku roka od 15 dana od dana kada su ponuđači obaviješteni o izboru najpovoljnijeg ponuđača, u skladu sa članom 98. stav (1) ZJN.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav (6) ZJN.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) ZJN.



Obrazloženje

Na osnovu Odluke o pokretanju postupka javne nabavke broj: A-III-7/22 od 23.02.2022. godine pokrenut je postupak javne nabavke roba: „**Nabavka i instalacija rendgenskog uređaja za detekciju i pregled predmeta od metala i eksploziva za potrebe Kantonalnog tužilaštva Kantona Sarajevo**“, procijenjene vrijednosti 80.000,00 KM bez PDV-a, putem otvorenog postupka javne nabavke roba.

Obavještenje o nabavci broj: 274-1-1-20-3-3/22 od 22.03.2022. godine i ispravka obavještenja o nabavci broj: 274-1-1-20-8-4/22 od 29.03.2022. godine objavljeni su na Portalu javnih nabavki, zajedno sa cjelokupnim tekstom Tenderske dokumentacije i Izmijenjene tenderske dokumentacije, a sažetak obavještenja o nabavci objavljen je u Službenom glasniku BiH.

Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.


Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-I66/20 (u daljem tekstu: Komisija) je dana 14.04.2022. godine u 11:15 sati, u prostorijama Ugovornog organa izvršila javno otvaranje ponuda i sačinila Zapisnik sa otvaranja ponuda, u kojem je konstatovala da su u predmetnom postupku blagovremeno zaprimljene 2 (dvije) ponude. Javnom otvaranju ponuda nije bilo prisutanih predstavnika ponuđača. Zapisnik sa otvaranja ponuda dostavljen je svim ponuđačima koji su učestvovali u postupku javne nabavke u zakonskom roku, u skladu sa članom 63. stav 6. Zakona o javnim nabavkama.

Nakon otvaranja ponuda, Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-7/22-III od 19.04.2022. godine, koji je sastavni dio ove Odluke, i u kome je konstatovala sljedeće:

U ostavljenom roku blagovremeno su pristigle dvije (2) ponude i to ponude ponuđača: **Grupa ponuđača Middle point electronics d.o.o. Sarajevo i Agencija za tehničku i fizičku zaštitu Middle point electronics d.o.o. Sarajevo i Grupa ponuđača SHOT-LEADTECH d.o.o. Zenica.**

Komisija je konstatovala da su dostavljene ponuda ponuđača: **Grupa ponuđača Middle point electronics d.o.o. Sarajevo i Agencija za tehničku i fizičku zaštitu Middle point electronics d.o.o. Sarajevo i Grupa ponuđača SHOT-LEADTECH d.o.o. Zenica prihvatljive** prema obliku, sadržaju, potpunosti i sposobnosti obavljanja registrovane djelatnosti, te ispunjavanju uslova za tehničku i profesionalnu sposobnost ponuđača.

Komisija je daljom analizom prihvatljivih ponuda u pogledu traženih i dostavljenih dokumenta na osnovu kojih se utvrđuje postojanje li razlozi isključenja ponuđača – obavezni uslovi za kvalifikaciju, izvršila uvid u ponude u **pogledu zadovoljavanja tehničkih uslova za predmet nabavke, zahtijevanih u tehničkoj specifikaciji, datoj u obrascu Tehnička specifikacija – Aneks 3. tenderske dokumentacije Otvorenog postupka, utvrdila da je ponuda ponuđača Grupa ponuđača Middle point electronics d.o.o. Sarajevo i Agencija za tehničku i fizičku zaštitu Middle point electronics d.o.o. Sarajevo prihvatljiva, odnosno da je ista u skladu sa**



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

tehničkom specifikacijom, dok ponuda ponuđača Grupa ponuđača SHOT-LEADTECH d.o.o. Zenica nije zadovoljila minimalne propisane tehničke uslove, te je stoga neprihvatljiva za ugovorni organ.

Naime, ponuda ponuđača Grupa ponuđača SHOT-LEADTECH d.o.o. Zenica nije zadovoljila po pitanju sljedećih tehničkih karakteristika, propisanih u Obrascu Tehnička specifikacija – Aneks 3. tenderske dokumentacije:

- **Otvor tunela: minimalno 620 mm (Š) x 460 mm (V):** ponuđene dimenzije su 620 mm (Š) x 420 mm (V), pri čemu dimezije širine tunela odgovaraju traženom, dok je visina manja od propisane minimalne visine tunela, te stoga ne odgovara traženim tehničkim karatkeristikama;
- **Mogućnost opterećenja prenosne trake do maksimalno 160 kg:** ponuđena je mogućnost opterećenja do 165 kg, što prelazi maksimalno propisano opterećenje prenosne trake, te stoga ne odgovara traženim tehničkim karatkeristikama;
- **Maksimalna dimenzija uređaja: 2004 mm (d) x 850 mm (Š) x 1290 mm (V):** ponuđene su dimenzije: 2082 mm (D) x 840 mm (Š) x 1382 mm (V), pri čemu širina uređaja odgovara traženom, dok su dužina i visina veće od maksimalno propisanih dimenzija uređaja, te stoga ne odgovara traženim tehničkim karatkeristikama.


Shodno navedenom, Komisija je odbacila ponudu ponuđača Grupa ponuđača SHOT-LEADTECH d.o.o. Zenica kao tehnički neprihvatljivu i istu dalje nije razmatrala.

Komisija je takođe izvršila provjeru računske ispravnosti svih pristiglih ponuda po tački 10.5. tenderske dokumentacije Otvorenog postupka i utvrdila da su sve ponude računski ispravne.

Polazeći od gore navedenih konstatacija i činjenice da je samo jedna (1) blagovremeno pristigla ponuda prihvatljiva za ugovorni organ, s obzirom da ispunjava uslove iz tenderske dokumentacije Otvorenog postupka, shodno odredbama tačke 10.6.3. tenderske dokumentacije, e-aukcija se ne može zakazati i Komisija je pristupila vrednovanju jedine prihvatljive ponude, shodno utvrđenom kriteriju „**najniža cijena**“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih ponuda za nabavku roba „**Nabavka i instalacija rendgenskog uređaja za detekciju i pregled predmeta od metala i eksploziva za potrebe Kantonalnog tužilaštva Kantona Sarajevo**“ **sljedeća:**

R.B.	Naziv ponuđača	Vrijednost ponude bez PDV-a
1.	Grupa ponuđača Middle point electronics d.o.o. Sarajevo i Agencija za tehničku i fizičku zaštitu Middle point electronics d.o.o. Sarajevo; broj ponude: MP-271/22	79.900,00 KM

Kao prvorangirana, odnosno jedina prihvatljiva ponuda prema kriteriju najniža cijena, je ponuda izabranog ponuđača Middle point electronics d.o.o. Sarajevo, Džemala Bijedića 35, 71000 Sarajevo, kao nosioca grupe ponuđača sa cijenom ponude u iznosu od 79.900,00 bez PDV-a, odnosno 93.483,00 sa PDV-om.



Bosna i Hercegovina
Federacija Bosne i Hercegovine
Kantonarno tužilaštvo
Kantona Sarajevo

Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 10 (deset) dana od dana prijema Odluke, a u skladu sa članom. 99. i 101. stav (1) tačka d) ZJN.



Dostavljeno:

- Ponuđači 2x,
- Komisija,
- U spis.